



# ՊԱՏԻՎ ՈՒՆԵՄ



ՀԻՄՆԱՎՈՐ ԳԻՏԵԼԻՔՈՎ ԴԵՊԻ ԱՐՇԱՆԱՊԱՏԻՎ ԾԱՌԱՅՈՒԹՅՈՒՆ

Թիվ 4(29), 31 մայիս, 2020թ.

ՀՀ ՈՍՏԻՎԱՆՈՒԹՅԱՆ ԿՐԹԱՅԱՍԱԼԻՐԻ ՊԱՇՏՈՆԱԹԵՐԹ

## ՈՍՏԻՎԱՆՈՒԹՅԱՆ ՈԼՈՐՏԻ ԲԱՐԵՓՈՒՄՈՒՄՆԵՐ

ՀՀ ոստիկանության կրթահամալիրը հայտարարում է բաց մրցույթ՝ նոր պարեկային ծառայության ստեղծման շրջանակներում ուսուցումն անցկացնող դասընթացավարների ընտրության համար:

ՀՀ կառավարությունը 2019թ. դեկտեմբերին մեկնարկած՝ ոստիկանության ոլորտի լայնածավալ բարեփոխումների համատեքստում նախաձեռնել է նոր Պարեկային ծառայության ստեղծում, ինչը հաստատվեց ս.թ. ապրիլի 23-ին ընդունված «ՀՀ ոստիկանության բարեփոխումների ռազմավարությունը և դրանից բխող 2020-2022 թվականների գործողությունների ծրագիրը հաս-▶ 2

## ԳԻՏԱԿԱՆ ԽՈՐՀՐԴԻ ԶԵՐԹԱԿԱՆ ՆԻՍՏԸ

ՀՀ ՈՍՏԻՎԱՆՈՒԹՅԱՆ ԿՐԹԱՅԱՍԱԼԻՐ

ԳԻՏԱԿԱՆ ԽՈՐՀՐԴԻ ԶԵՐԹԱԿԱՆ ՆԻՍՏ

DISTANCE SESSION OF THE SCIENTIFIC COUNCIL




ДИСТАНЦИОННОЕ ЗАСЕДАНИЕ НАУЧНОГО СОВЕТА

14.05.2020 ՀԻՆԳՇԱԲԹԻ Ժ. 15:00

**2020** թվականի ապրիլի 30-ին հեռավար կարգով տեղի ունեցավ ՀՀ ոստիկանության կրթահամալիրի գիտական խորհրդի 2020 թվականի 5-րդ նիստը: Օրակարգի հարցերի քննարկման արդյունքում գիտական խորհուրդը որոշեց հաստատել ՀՀ-ում արտակարգ դրությամբ պայմանավորված՝ «ՀՀ ոստիկանության կրթահամալիրում 2019-2020 ուստարվա 2-րդ կիսամյակի ուսումնական գործընթացի առանձնահատկությունները սահմանելու մասին որոշման նախագիծը» և «Ուսումնական գործընթացի առցանց կազմակերպման կարգը», փոփոխություններ կատարել ՀՀ ոստիկանության կրթահամալիրի ակադեմիայում բակալավրի և մագիստրոսի կրթական ծրագրերով ուսումնական գործընթացի կազմակերպման, ՀՀ ոստիկանության կրթահամալիրի քոլեջի ոստիկանական միջին մասնագիտական կրթական ծրագրով ուսումնական գործընթացի կազմակերպման և ՀՀ ոստիկանության կրթահամալիրի ուսումնական կենտրոնում ուսումնական գործընթացի կազմ-

կերպման կարգերում: ՀՀ ոստիկանության կրթահամալիրում արտակարգ դրության առաջին իսկ օրերից անմիջապես ձեռնարկվել են հնարավոր բոլոր միջոցները՝ շարունակելու բնականոն և արդյունավետ աշխատանքները: Գիտական խորհրդի առցանց նիստը ևս բացառություն չէր: Սույն թվականի ապրիլի 30-ին հեռավար կարգով տեղի ունեցավ Կրթահամալիրի գիտական խորհրդի 2020 թվականի 4-րդ նիստը: Օրակարգի հարցերի քննարկման արդյունքում գիտական խորհուրդը որոշեց ՀՀ ոստիկանության պետին կրթահամալիրի ակադեմիայի 2020-2021 ուստարվա հեռակա և վճարովի ուսուցման տեղերի թվի վերաբերյալ առաջարկություններ կայացնել, լրացումներ և փոփոխություն կատարել պրոֆեսորադասախոսական անձնակազմի աշխատանքների նորմավորման կարգում, հաստատել կրթահամալիրում սկսնակ դասախոսների մեթոդական իրականացման և նախկին սովորողին վերաատեսավորման թույլտվության կարգերը:

## ՇՆՈՐՀՎԵԼ Է ԳԻՏԱԿԱՆ ԱՍՏԻՃԱՆ



Բարձրագույն որակավորման կոմիտեի նախագահի 2020 թվականի մայիսի 15-ի 8Ա-Վ1 հրամանով հաստատվել է վկայականով ամրագրվել է Երևանի պետական համալսարանում գործող ԲՈԿ-ի 001 Իրավագիտության մասնագիտական խորհրդի որոշումը ՀՀ ոստիկանության կրթահամալիրի ակադեմիայի պետության և իրավունքի տեսության և սահմանադրական իրավունքի ամբիոնի ավագ դասախոս, ոստիկանության մայոր Լալա Գրիգորյանին իրավաբանական գիտությունների թեկնածուի (ԺԲ.00.05 թվանիշով) գիտական աստիճան շնորհելու մասին: Շնորհավորենք նորընծա գիտնականին և մաղթենք նորանոր ձեռքբերումներ ապագա ոստիկանների կրթության և դաստիարակության բարր ու պատասխանատու գործում:

## ՄԱՅԻՍ՝ ՀԱՂԹԱՆԱԿՆԵՐԻ ԱՄԻՍ

Սերունդներ, դուք ձեզ ճանաչե՛ք Սարդարապատից Պարույր Սևակ



**1918** թ. մայիսի 28-ին Սարդարապատից և Բաշ Ապարանից ստացված բարի լուրերով ոգեշունչ, Թիֆլիսում նստող Հայոց ազգային խորհուրդը հավաքվեց կարևորագույն իր ժողովին և արեց մի հայտարարություն, որի համեստ ու անաղմուկ բառերն աշխարհին հաղորդում էին Հայոց պետության վերականգնումը կամ նոր պետության ծնունդը: Սուրբ հավատքին, մայրենի լեզվին, ազգային ինքնությանը հավատարիմ ու ցվիրված լինելը հայ ժողովուրդը բազմիցս ապացուցել է իր անձնվեր կյանքով կենաց ու մահու կռիվներով: Կարդանանց պատերազմ. 451 թվականի մայիսի 26. Ավարայրի ճակատամարտում «Իմացյալ մահով» մարտիրոսվեցին հայոց բաջերը, իրենց կյանքը ցվիրաբերեցին «Վասն հավատո, վասն հայրենյաց» և հայոց սերունդներին պատգամեցին սրբություննե-

րի հանդեպ հավատարմություն, հաղթական ոգի և մեծագույն սեր: Վարդանանց պատերազմում հայ մարտիկները հայոց զորքը ոգեկոչող առաջնորդի՝ Վարդան Մամիկոնյանի հետ իմացյալ նահատակությամբ հզոր հիմք դրեցին հայոց ազգային արժեհամակարգի պահպանման գործում: Ավարայրի ճակատամարտը մեծ դաս էր, հայոց ոգու մատյան, ինչպես և՛ ճշմարիտ քրիստոնյայի սպառիչ ու շեշտակի պատասխան: Սարդարապատի ճակատամարտ՝ 1918 թվականի մայիսի 21-29-ը, Բաշ-Ապարանի ճակատամարտ՝ մայիսի 23-29-ը: Հայկական զինված ուժերը ջախջախիչ պարտության մատնեցին թուրքական դիվիզիաներին: Հայ ժողովրդի բազմադարյա պատմության աստեղային ժամերից էր Սարդարապատի ճակատամարտը: ▶ 3

## ԶԵՐԹԱԿԱՆ ՈՒՍՈՒՅՈՒՄ

Կյանքը լի է անակնկալներով: Իսկապես որ, չկա չարիք առանց բարիքի: Այս աշխարհացունց թագավարակը ևս մի փորձություն էր՝ ստուգելու մեր մասնագիտական, ժամանակակից տեխնիկայի միջոցները կիրառելու, անել իրադրությունից ելք փնտրելու և գտնելու, մտքի ճկունության և հնարամտության կարողությունները: Երկիր մոլորակում մոլեգնող չարաբաստիկ թագավարակը մեզ ստիպեց հեռավար ուսուցման մեթոդին անցնել: Հոգ չէ, թե այդ փորձը մենք չունենինք. մենք պարզապես այլ ելք չունեինք: Հայաստանում այն կյանքի կոչվեց արտակարգ դրության պայմաններում: Աշխարհաքաղաքական իրադրությունը մեզ ստիպեց նաև կրթության ոլորտում իրավիճակային լուծումների անցնել: Հեռավար դասընթացի անցկացումը հնարավորություն տվեց կատարելագործել և ընդլայնել համակարգչային մի շարք ծրագրերի, մասնավորապես՝ հեռահաղորդակցման համար նախատեսված ծրագրային հավելվածների, ինչպես նաև համացանցի տարբեր գործիքների վերաբերյալ գիտելիքները: Մեր պրոֆեսորադասախոսական կազմն անցավ դասավանդվող թեմաների մատուցման նոր եղանակների, նոր ձևերի և մեթոդների մշակմանը և դրանց կատարյալ իրականացմանը:

Ուսուցման այս յուրօրինակ ձևը, ինչ խոսք, ակնկալում է միանգամայն նոր հետազոտություններ և նորամուծություններ: Ցանկանում են հատկապես առանձնացնել (չնայած դժվար է այս պարագայում անուններ առանձնացնել) Հ. Խաչատրյանի մտորումները. -Արդյունավետության առումով չի կարելի ասել, որ հեռավար ուսուցումը 100%-անոց է, սակայն ժխտելի չէ, որ 70%-ով ապահովում է դասախոս-ուսանող կապը: Այո, գովելի է, որ կրթահամալիրի յուրաքանչյուր դասախոս գտել է դասապրոցեսն անցկացնելու իրեն հարմար տարբերակը, և վստահ ենք, որ ունենք արտակարգ դրության պայմաններում հեռավար որակյալ կրթություն ապահովելու հնարավորություն: Ի դեպ, կենսունակ հեռավար կրթության համակարգը ձևավորվում է յուրաքանչյուր դասախոսի և սովորողի լսարանային փորձառության արդյունքում: Ըստ հասարակագիտական առարկաների և հոգեբանության ամբիոնի հոգեբանության դասախոս, ոստիկանության կապիտան Մարիամ Կարապետյանի՝ հոգեբանական տեսանկյունից հեռավար դասընթացների անցկացումը զարգացնում է թե՛ դասախոսի, թե՛ սովորողների ստեղծագործական ակտիվությունը: Այն հնարավորություն է տալիս ոմանց նվազեցնել հոգեբանական լար-▶ 2

### ԴՈՒ ՄԵՋ ԴԵՏ ԵՍ ԱՁՆԱԿՈՒՐ

Տարիքն Ազնավուրին չէր գրկել ապրելու, ստեղծագործելու, երգելու, սիրելու և ծիծաղելու խենթ ախորժակից: Նա մաս մեզ էր ապրեցնում՝ անոթելով մեր հույզերն ու զգացմունքները: *Էմանուել Մակրոն*



**Մ**ակրոնին լսելիս կոկորդս սեղմվում էր. հուզված էր, անկեղծ էր: Շատ տպավորիչ էր. աշխարհը ցնցեց...  
Շնորհակալ եմ, մեծարգո՝ նախագահ արժանին մատուցեցիք, բոլորին լսեցրիք...  
Իսկ եթե ինձ տրամադրեին խոսափողը, ինձ, որ ողջ գիտակցական կյանքս ապրել եմ Ազնավուրի արվեստով, հիացել նրա բացառիկ տաղանդով, դժվարությունները հաղթահարելու եզակի կարողությամբ, ազգին ծառայելու ամենացորդ նվիրումով, զարմացել եմ բեմի վրա նրա մշտապես կենդանի ծայրով և երիտասարդի ավյունով, հանդիսատեսի հանդեպ ունեցած անկեղծ ու ազնիվ վերաբերմունքով, տաղանդի անվերջանալի երիտասարդությամբ, ինչպես՝ կհայտնեի աշխարհին, որ նրա երգերը լսելիս կարծես անեմունք եմ, տեղափոխվում մեկ այլ՝ ազնավուրյան աշխարհ: Կկարողանայի՞ աշխարհը գերած փոքրամարմին այդ հսկային ըստ արժանվույն ներկայացնելու խոսքեր գտնել...  
Ո՛չ, բառերն այստեղ անգոր կլինեին՝ ծեծված, մաշված ու կրկնված: Ուստի, մնում է միայն ասել՝ դու մեզ հետ ես, Ազնավուր, որովհետև քո երգերն են մեզ հետ:  
**Ծնունդդ շնորհավոր, ման՝ստոր:**  
**Bon anniversaire!**

Ա. Հայրապետյան  
նստիկանության գնդապետ


### ՄԱԳԻՍՏՐԱՏՈՒՐԱՅԻ ԱՌՅԱՆՑ ԱՍՓՈՓԻՉ ԱՏԵՍԱՎՈՐՈՒՄ

ՀՀ ոստիկանության կրթահամալիրում մայիսի 22-ին առցանց եղանակով անցկացվեց կրթահամալիրի ակադեմիայի մագիստրատուրայի առկա ուսուցման 2019-2020 ուսումնական տարվա շրջանավարտների ամփոփիչ ատեստավորումը: Ամփոփիչ պետական ատեստավորման հանձնաժողովի նախագահն էր ՀՀ ոստիկանության պետի տեղակալ, ոստիկանության գնդապետ Տ.Եսայանը: Հանձնաժողովի անդամներն էին կրթահամալիրի պետ, ոստիկանության գներալ-մայոր Մ. Բաբայանը և ղեկավար կազմի այլ ներկայացուցիչներ:  
Մագիստրոսական թեզերի պաշտպանությանը մասնակցում էր 11 շրջանավարտ, որոնցից 5-ն արժանացան գերազանցության դիպլոմի:  
ՀՀ ոստիկանության կրթահամալիրի անձնակազմը սրտանց շնորհավորում է շրջանավարտներին՝ մաղթելով առողջություն և աշխատանքային հաջողություններ:

### ՀԱՆՑԱԳՈՐԾՈՒԹՅՈՒՆՆԵՐԻ ԲԱՑԱՐԱՅՏՄԱՆ ԵՎ ԶՆՆՈՒԹՅԱՆ ՀԻՄՆԱԳԱՐՅԵՐԻ ՀԵՏԱԶՈՏՄԱՆ ԳԻՏԱԿԱՆ ԽՄԲԱԿԻ ՆԻՍԵՐ

2020 թվականի ապրիլի 23-ին և մայիսի 8-ին «Zoom» հավելվածի միջոցով անցկացվեցին ՀՀ ոստիկանության կրթահամալիրի ակադեմիայի քրեական դատավարության ու ՕՅԳ և քրեագիտության ամբիոններին կից գործող հանցագործությունների բացահայտման և քննության հիմնահարցերի հետազոտության գիտական խմբակի հերթական նիստերը:  
Առաջին նիստն անցկացրեց քրեական դատավարության ամբիոնի ավագ դասախոս, ոստիկանության կապիտան Ա.Ղազարյանը: «Հետաքննության հիմնախնդիրները ՀՀ քրեական դատավարության հիմնահարցերում» վերտա-ռությամբ գիտական զեկույցով ներկայացան իրավագիտության ֆակուլտետի վճարովի ուսուցման 3-րդ կուրսի սովորողներ

Ա.Հակոբյանը և Ա.Այվազյանը:  
Հաջորդ նիստն անցկացրեց քրեական դատավարության ամբիոնի պետ, ոստիկանության փոխգնդապետ Ա.Յովհաննիսյանը: Իրավագիտության ֆակուլտետի առկա անվճար ուսուցման 3-րդ կուրսի սովորող Լիլյա Հովհաննիսյանը ներկայացրեց «Ղառամազանի հսկողությունը և գերատեսչական վերահսկողությունը ՕՅԳ-ի նկատմամբ» վերտա-ռությամբ գիտական զեկույցը:  
Նիստերին մասնակցում էին գիտական խմբակի անդամները և վճարովի ուսուցման կուրսերի սովորողները: Ձեկույցների ավարտին սովորողները բանախոսներին հարցեր ուղղեցին և ստացան իրենց հուզող հարցերի հիմնավորված պատասխանները:



### ՈՍՏԻԿԱՆՈՒԹՅԱՆ ՈԼՈՐՏԻ ԲԱՐԵՓՈՒՄՆԵՐ

1 «Տատելու մասին» թիվ 638-Լ որոշմամբ:  
Նոր Պարեկային ծառայությունը լինելու է ժամանակակից ոստիկանության առաջին ակնբլոկ՝ նոր գործառնություններով, նոր սարքավորումներով, նոր կրթությամբ ու հմտություններով և ամենակարևորը՝ նոր մտածելակերպով: Այս նոր արժեքների ձևավորմանն ուղղված քայլերը կիրականացվեն ՀՀ ոստիկանության կրթահամալիրում 5 ամիս (սեպտեմբեր-հունվար) տևողությամբ ուսուցման ընթացքում:  
Ծառայելու և պաշտպանելու և ոչ թե պատժելու քաղաքականության վրա հիմնված իրավապահ մարմիններ, հարգանքի արժանի պարեկային ծառայողներ ունենալու համար հարկավոր է արդիականացնել պատրաստման ծրագրերը, ուսումնական մեթոդն ու միջավայրը և, իհարկե, «դասավանդող-սովորող» փոխհարաբերությունները: Այս ամենին զուգահեռ կարևոր է նաև Պարեկային ծառայության բովանդակությանն ու փիլիսոփայությանը բնորոշ առարկայական ծրագրերի մշակումն ու դրանց հիման վրա ուսուցման կազմակերպումը:

«Ոստիկանության կրթահամալիրը հայտարարում է բաց մրցույթ՝ նոր Պարեկային ծառայության ստեղծման շրջանակներում ուսուցումն անցկացնող դասընթացավարների ընտրության համար»

1 «Վածությունը, ինչը կապված է տվյալ պայմաններում հոգեբանական ապահովություն զգալու հետ, որն էլ հեշտացնում է հաղորդակցման գործընթացը և օճկայն հարթակում անձին դարձնում է ավելի ակտիվ»:  
Այս տեսակետն ունի նաև քրեական դատավարության ամբիոնի պետ, ոստիկանության փոխգնդապետ Ա. Հովհաննիսյանը: Նա ևս նշում է, որ հեռավար ուսուցման անկաշկանդ մթնոլորտն առավել նպաստում է ստեղծագործական հակունների դրսևորմանը: Իսկ լեզուների ամբիոնի պետ, ոստիկանության գնդապետ Ա. Հայրապետյանը, ռուսաց լեզվի դասախոս, ոստիկանության մայոր Ա. Եղոյանը և քաղաքացիական իրավունքի և դատավարության ամբիոնի ավագ դասախոս, ոստիկանության փոխգնդապետ Մ. Մանուկյանն իրենց դիտարկումներում նշեցին, որ հեռավար դասերն ապահովում են տեսողական ընկալման և տեսողական հիշողության զարգացումը, բարձրացնում են սովորողների ինքնուրույն աշխատելու և ինքնուրույն մտածելու կարողությունները:

### ՀԵՌԱՎԱՐ ՈՒՄՈՒՅՈՒՄ

Ակադեմիայի իրավագիտության ֆակուլտետի քրեական իրավունքի և քրեաբանության ամբիոնի ավագ դասախոս Հռիփսիմե Խաչատրյանն այս իրավիճակին մոտենում է մի պարզ փիլիսոփայությամբ՝ չկա չարիք՝ առանց բարիքի:  
- Ցանկացած իրավիճակում, նույնիսկ անել, մարդ պետք է կարողանա դրական կողմեր գտնել և դրանցից ոչ միայն չտուժել, այլև շահեկան դուրս գալ: Ասվածը վերաբերում է հատկապես մեզ՝ մանկավարժներին:  
Ուսումնական գործընթացի դադարեցումն անընդունելի կլինեք, քանի որ անորոշ է, թե այս ամենը երբ է վերջանալու:  
Մանկավարժների առջև խնդիր դրվեց՝ օճկայն հարթակում հեռավար կազմակերպել և իրականացնել ուսումնական պարապմունքները: Բոլորս անցանք գործի, բայց կարելի է ասել, որ բոլորս էլ անփորձ էինք, քանի որ այստեղ, բացի մասնագիտական գիտելիքներից և հմտություններից, պահանջվում էին նաև ցանցային գիտելիքներ, որոնք չունեինք կամ բավարարչափով չունեինք: Մի խոսքով, բոլորս անցանք գործի, ինչպես կարող էինք: Մեզանից ոմանք կարողացան, ոմանք դժվարացան, յուրաքանչյուրը, ըստ իր մանկավարժական կարողությունների, փնտրեց, ելք գտավ ու հաղթահարեց:  
Փորձեն ձեզ հաղորդել իմ անձնական փորձը: Երկար մտածեցի, թե ինչպես աշխատեմ, որ կարողանամ առավելագույնս ապահովել այսօրվա խստապահանջ սովորողներին գիտելիքների փոխանցումը և միաժամանակ բավականություն ստանալ աշխատանքից:  
Մտածեցի ու որոշեցի տեսադասեր պատրաստել և տեղադրել համապատասխան ժամին համապատասխան հարթակում:  
Որպես կանոն՝ տեսադասը բաժանում եմ 3-4 մասի՝ պայմանավորված թեմաների հարցերով: Չայնագրության մեջ ներկայացնում և քննարկում եմ յուրաքանչյուր հարց՝ օգտագործելով և ցուցադրելով

և՛ շնորհանդես, և՛ թեմային առնչվող կողմնակի նյութեր, որոնք պետք է օգտագործելի սովորական լսարանային պայմաններում: Անում եմ ամեն ինչ, որ «լսարանը» չտուժի: Մի քիչ տխուր է ստացվում դասաժամս, քանի որ դասախոսության ընթացքում հարցեր չեն բարձրաձայնվում, լսարանային աշխույժ քննարկումներ չեն կատարվում:  
Տեսադասը դիտելուց հետո սովորողները կատարում են գրավոր հարցադրումներ, և սկսում ենք գրավոր քննարկում: Ինքս գոհ եմ իմ կատարած աշխատանքից: Սա, իմ կարծիքով, յուրօրինակ մեթոդ է, որը սովորողներին հնարավորություն է տալիս անընդհատ դիտել տեսանյութը, որը կօգտագործվի նաև քննություններին պատրաստվելիս, անգամ հետագայում՝ մասնագիտական գործունեության ընթացքում:

Ռ. Մուսայեյան  
ոստիկանության գնդապետ

# ՄԱՅԻՍ՝ ԶԱՂԹԱՆԱԿՆԵՐԻ ԱՄԻՍ

1 ◀ Մայիսյան այդ ոգեշունչ շաբաթը դժոխքի բոլոր խորխորատներով անցած, կործանման եզրին հասած մեր ժողովրդի համար դարձավ ազգապահպան խարիսխ:

Հայաստանի Առաջին Հանրապետության ստեղծումը՝ 1918 թվականի մայիսի 28՝ հայոց դարավոր երազանքի մարմնավորումն էր և, հիրավի, մերօրյա անկախ Հայաստանի գոյության նախապայմանը: Առաջին հանրապետության ստեղծումը հայոց սրբազան գործի իրականացման կարևորագույն քայլերից էր, 600-ամյա ընդմիջումից հետո դարձյալ դրվեցին հայոց պետականության հիմքերը: Մայիսի 28-ը Հանրապետության տոնն է. աշխարհի հնագույն, ազնվասիրտ ժողովուրդներից մեկը հաստատեց իր պատվական լինելը փառահեղ հաղթանակներով ցնծագին մայիսներով:

Շուշիի ազատագրումը՝ 1992 թ. մայիսի 9: Մեր հերոսական պատմության մեջ փառքի նոր էջեր գրվեցին Շուշիի անառիկ բերդի գրավումով: Շուշիի ազատագրումը պատմական անհրաժեշտություն էր՝ կոչված վերականգնելու հայկական հիմնավորը հողի վրա հայերի ապրելու անբախտելի իրավունքը, ինչպես և ամրապնդելու մարտերում կոչված հայոց հաղթական ոգին:

Հայոց հաղթանակների կարևորագույն դասը մեզ համար կուռ միասնությունն է: Հաղթել ենք, քանզի մի բռունցք ենք դարձել ազգովի: Հաղթել ենք հայրենիքի հանդեպ անեզր սիրո շնորհիվ, քանզի այն հավերժական է:

Մեր ժողովուրդը կոչված է մեծ առաքելության՝ մշտապես լինել արդարության մարտիկ, ապրել ու արարել՝ ի շահ ազգի ու հայրենիքի:

Դարերի երկիր Հայաստանի և հարազատ գավազների փառահեղ պատմությունը դրոշմված է մեր հայրենիքի ամեն մի քարի վրա, արդար քրտինքով ու հայրենամարտի հայորդու արյամբ սնունդված հայրենի հողի, հայոց հոգու մեջ: Մեր հոգու խորքում են ամբարած սրբությունները, և այդ է պատճառը հայոց հարատևության:

Մեր ոգեշունչ ժողովրդին չընկճեց երբեք ոչ մի փորձություն ու փոթորիկ: Հայն անձնվիրաբար կռվեց իր հողուջրի համար: Հաղթահարելով բազում անկարագրելի դժվարություններ՝ շարունակեց ապրել ու հարատևել՝ շնորհիվ իրեն վերապահված ստեղծագործ մտքի, շինարար ձիրքի ու ամրակուռ բազկի, որի վառ վկան մեր այսօրվա ոստանն է՝ վերածնված Հայաստանի Հանրապետությունը:

Մենք ապրում ենք անկախ Հայաստանի ամեն մի գարկով, որը շունչ ու հոգու ճախրանք է պարզաբուն հայրենաբնակ և աշխարհասփյուռ հայերին, քանզի հայրենիքը մեր սրտի մեջ է՝ իր սեփական դրոշով, զինանշանով, իր հաղթական ու փառապանծ բանակով:

Անկախության սերունդ, որ բոլորից ճիշտ է հասկացել մայիսի 28-ի Առաջին Հանրապետության ստեղծման պատգամը: Մենք՝ որպես պետություն, որպես ազգ և հասարակություն, մայիսի 28-ը ընդունում ենք որպես մեր ժողովրդի համար անդունդի եզրից վերադարձի օր, դեպի կյանք, վերածնունդ, արարում և դեպի աշխատանք վերադառնալու օր: Մենք վերադարձել ենք: Մեր անկախությունն ու պետականությունը մեզ ոչ ոք չի նվիրել: Մենք դրա համար վճարել ենք այնքան, որքան թերևս ոչ ոք չի վճարել: Մենք դա արել ենք մենակ, ավելին՝ մենք դա արել ենք ի հեծուկա ճակատագրի հարվածների: Հայոց քաջարի ոգին մշտադրուն է. այն զորացրել ու գոտեպնդել է մեզ՝ պահպանելու մեր պայծառ հավատը, աստվածատուր լեզուն և ազգային ինքնությունը՝ անկրկնելի, սրբապաշտ տեսակը, որով մնացինք հայ և հատկապես՝ հայ քրիստոնյա:

Մեր ազգն իր հարուստ պատմության ընթացքում տարել է բազմաթիվ հաղթանակներ ու պարտություններ, անցել է Ավարայրի, Սարդարապատի, Եղեռնի ճանապարհներով ու Արցախյան հերոսամարտով, իր հետ բերել է նվիրական անուններ, որոնք ապրել են և զոհվել՝ համուն հավատի, համուն ազգի և հայրենիքի: Բոլորս պետք է ապրենք այդ արժանիքներով, և պետության ու հասարակության գաղափարախոսությունը պետք է կառուցվի այս չափանիշներով:

Հայաստան աշխարհի վրա բացվող բոլոր գարունները թող պայծառ մայիսներ բերեն և հայոց հոգիներին՝ մայիսյան ցնծություններ:

**Աննա Սարուխանյան**  
ուստիկանության կապիտան

# ՍԱՐԴԱՐԱՊԱՏԻ ԶԵՐՈՍՆԵՐԸ

Յույց տանք աշխարհին, որ հայն ազատ և անկախ ապրելու իրավունք ունի: Արամ Մանուկյան

Մայիսի 28-ը Առաջին Հանրապետության օրն է: 1918-ի մայիսի 28-ին Հայոց ազգային խորհուրդը հայտարարեց անկախ Հայաստանի Հանրապետության ստեղծման մասին: Այդ օրը երախտապարտ հայ ժողովուրդը Սարդարապատ է այցելում, որտեղ, հաղթելով թուրքական բանակին, հայկական զորքերը կարողացան կասեցնել թշնամու ներխուժումը Անդրկովկաս: Օրհասական թվացող այդ օրերին Արամ Մանուկյանը, Դրոն, զորավար Թովմաս Նազարբեկյանը, Մովսես Սիլիկյանը և ուրիշներ կազմակերպեցին հայ կամավորական և կանոնավոր զորքեր՝ դիմագրավելու թուրքական առաջխաղացմանը:

1918-ի մայիսի 21-28-ը Դարաքիլիսայի, Բաշ-Ապարանի և Սարդարապատի մոտ տեղի ունեցած ճակատամարտերում հայկական զորքերին հաջողվեց կանգնեցնել, ապա Սարդարապատում և Բաշ-Ապարանում ջախջախիչ հարվածներ հասցնել թուրքական կանոնավոր բանակին: 900 տարի Հայաստանը չէր ունեցել պետականություն: Հայ ժողովրդի համար հսկայական նշանակություն ունեցավ պետականության վերականգնումը, որով և սկիզբ դրվեց հայկական պետական մտածողության, հայապահպանության և ազգի ամրապնդման:



## ԱՐԱՄ ՄԱՆՈՒԿՅԱՆ

Արամ Մանուկյանը հայ ժողովրդի բովանդակ պատմության մեջ այն սակավաթիվ իրատես դեմքերից էր, որոնց մեծությունը ճիշտ տեսնելու և գնահատելու համար անհրաժեշտ է ժամանակի հեռավորություն: 1918թ. մայիսի 30-ին Թիֆլիսի Հայոց ազգային խորհուրդը իրեն հռչակել էր նորանկախ Հայաստանի գերագույն իշխանություն, սակայն Հ. Քաջազնունու կողմից ձևավորվող ՀՀ կառավարությունը մոտ երկու ամիս հետո ժամանեց Երևան: Պետական իշխանության և ժողովրդի ճակատագրին տեր կանգնելով Արամ Մանուկյանն անմիջապես սկսեց Հայաստանի անկախությունը պետական հիմքերի վրա դնելու գործը: 1918թ. հունիսի կեսերին Ա. Մանուկյանը նախաձեռնեց Հայաստանի ժամանակավոր կառավարության՝ Երևանի Ազգային խորհրդի վարչության ստեղծումը, մինչև Հովհաննես Քաջազնունու զլխավորությամբ Երևան կժամաներ Թիֆլիսում ստեղծված Հայաստանի կառավարությունը: Արամ Մանուկյանը Վարչության նախագահին էր և զինվորական բաժնի վարիչը:



## ԴԱՆԻԵԼ ԲԵԿ-ՓԻՐՈՒՄՅԱՆ

Բացառիկ է եղել Դանիել Բեկ-Փիրումյանի դերակատարումը Սարդարապատի ճակատամարտի հաղթանակում, որտեղ նա փաստացի հանդիսացել է այդ ուղղությամբ հայկական զորաջուկատների ընդհանուր հրամանատար: Հենց Դանիել Բեկ-Փիրումյանի անմիջական ջանքերով հնարավոր եղավ կազմակերպել Սարդարապատի ռազմաճակատի գիծը և արժանի կահարված տալ թուրք զավթիչներին:



Դանիել Բեկ-Փիրումյանը մեծ ներդրում ունի նաև նորանկախ Հայաստանի բանակաշինության գործում:

## ԴՐԱՍԱՄԱՍ ԿԱՆԱՅԱՆ (ԴՐՈՆ)

Դրոն հայտնի է որպես Հայաստանի Առաջին Հանրապետության զորավար, ֆիդայի, վրիժառու, ազատագրական շարժման գործիչ, Առաջին Հանրապետության ռազմական նախարար և նրա հիմնադիրներից մեկը: 1918 թվականի մայիսի 23-27-ը Դրոն ստանձնեց Ապարանի ճակատամարտի հրամանատարությունը:




Բաշ-Ապարանի ճակատամարտը, հիրավի, Դրաստամատ Կանայանի փառքի գագաթնակետն էր: Հայ ժողովրդի համար օրհասական այդ օրերին նա կարողացավ ոչ միայն կասեցնել թուրքական 13 000-անոց զորաբանակի առաջխաղացումը դեպի Երևան, այլև ջախջախիչ հարված հասցրեց թուրքերին, որոնք խուճապահար փախան մարտադաշտից:

## ՔՐԻՍՏԱՓՈՐ ԱՐԱՐԱՏՅԱՆ

Ականավոր ռազմական գործիչ, ռուսական բանակի գնդապետ, հայկական բանակի գեներալ-մայոր, Սարդարապատի ճակատամարտում հայկական կորպուսի հրետամային բրիգադի հրամանատար, ում ընտանեկան զինանշանի վրա գրված էր եղել «Հայրենիք ու պատիվ»: Նա Հայաստանի Առաջին Հանրապետության երկրորդ ռազմական նախարարն էր:



**Լիանա Խրշոյան**  
ուստիկանության լեյտենանտ



## ՈՒՍԱՆՈՂԱԿԱՆ ԽՈՐՀՐԴԻ ԶԵՌԱՎԱՐ ՆԻՍ

2020 թվականի մայիսի 3-ին տեղի ունեցավ ՀՀ ոստիկանության կրթահամալիրի ուսանողական խորհրդի 2019-2020 ուսումնական տարվա երկրորդ կիսամյակի հերթական նիստը՝ հեռավար ձևաչափով:

Նիստի ընթացքում ձևավորվեցին հանձնաժողովները, քննարկվեցին առաջիկայում իրականացվելիք ծրագրերը:

Ավարտին մասնակիցներն ուսումնասիրեցին ուսանողական խորհրդի կանոնադրության, գերազանցության դիպլոմների ստացման կարգի փոփոխման ու մի շարք այլ հարցերի վերաբերյալ առաջարկությունները և որոշեցին ներկայացնել կրթահամալիրի ղեկավարությանը:

### ԱՐԺԱՆԱՅԵՔ ԶՅ ՈՍՏԻԿԱՆՈՒԹՅԱՆ ՊԱՐԳԵՎՆԵՐԻՆ



«Օրենքի պատվար» մեդալով ծառայողները պարգևատրվում են ոստիկանության գործունեության զարգացման, օրինականության ամրապնդման, հանցավորության դեմ պայքարի, հասարակական կարգի պահպանության և հասարակական անվտանգության ապահովման, անձնակազմի դաստիարակության գործում զգալի ներդրում ունենալու, ինչպես նաև հատուկ առաջադրանքները գերազանց կատարելու համար:



«Իրավակարգի ամրապնդման համար» մեդալով ծառայողները պարգևատրվում են ոստիկանության զարգացման, իրավակարգի ամրապնդման, հանցավորության դեմ պայքարի, հասարակական կարգի պահպանության, անձնակազմի դաստիարակության գործում զգալի ներդրում ունենալու, ինչպես նաև հատուկ առաջադրանքները գերազանց կատարելու համար: «Իրավակարգի ամրապնդման համար» մեդալով ծառայողները պարգևատրվում են «Օրենքի պատվար» մեդալով պարգևատրվելուց հետո:

դաստիարակության գործում զգալի ներդրում ունենալու, ինչպես նաև հատուկ առաջադրանքները գերազանց կատարելու համար: «Իրավակարգի ամրապնդման համար» մեդալով ծառայողները պարգևատրվում են «Օրենքի պատվար» մեդալով պարգևատրվելուց հետո:

### ՄԱՐՏԱՅՐԱՎԵՐ ՍԵՐՈՒՆԴՆԵՐԻՆ

Արիստիկան փոշոտ գործեր, նկարներ և հիշողություն... Տասնամյակներ պահած արիստիկան կապոցը բացում է Մարտիրոս Մուրադյանը և ասում, որ շատ բան չկա պատմելու, բայց պատմելու շատ բան կար, և այսպես...

1941թ. Յայրենական մեծ պատերազմ. մարդիկ պայքարում էին սեփական գոյության և հայրենիքի բարօրության համար: Հայաստանում, ինչպես սովետական յուրաքանչյուր երկրում, զարհուրելի ժամանակներ էին. ուժային կառույցներն աշխատում էին մեծ թափով: Հենց այդ ժամանակահատվածում էր, որ երիտասարդ Մարտիրոսը որոշեց ծառայության անցնել ՆԳՆ (Սովետական միլիցիա): Նա մտադրվել էր այս միջոցով նվիրվելու, ծառայելու իր հայրենիքին և իր ժողովրդին:

1943թ. Մարտիրոս Մուրադյանն արդեն օպերատիվ աշխատակից էր կազմակերպված հանցավորության դեմ պայքարի բաժնում:



Աչքի ընկնելով մասնագիտական բարձր պատրաստականությանը և պատասխանատվությանը՝ 1944թ. Մուրադյանին վստահեցին քննիչի բարձր և պատասխանատու աշխատանքը, իսկ երկու տարի անց՝ 1945թ., նշանակվեց կազմակերպված հանցավորության դեմ պայքարի բաժանմունքի պետ: 1948-1950թթ. եղել է Հոկտեմբերյանի բաժնի պետ, 1961թ.՝ Աշտարակի բաժնի



պետ, այստեղից էլ փոխգնդապետի կոչումով անցել է վաստակած թոշակի:

Մուրադյանի նվիրվածությունը հայրենիքին և միլիցիային մեծ էր, այդ իսկ պատճառով որդուն՝ Վալերի Մուրադյանին, վարակում է նույն չափերով իր փառասիրտը:

Հոր նվիրական գործը շարունակում է որդին և 1967թ. շարքային միլիցիոնների կոչումով սկսում է իր հետաքրքիր, բայց դժվարին ուղին:

90-ականներ, կրկին պատերազմ. այս անգամ Արցախյան: Ժողովուրդը պայքարում է սեփական գոյության և հայրենի հողերը պահպանելու համար: Ունենալով արցախյան արմատներ՝ այդ շրջանում Մուրադյանն անում էր ամեն հնարավոր՝ սեփական ժողովրդին օգնելու համար: Նա Ռուսաստանի Դաշնությունից օգնություն էր ստանում ու մեծ ջանքերով հասցնում Արցախ:

1995թ. Վալերի Մուրադյանը դասակի հրամանատար էր, իսկ 1999թ. կապիտանի կոչումով անցավ վաստակած թոշակի:

Վալերիի որդին՝ կրտսեր Մարտիրոս Մուրադյանը, տեսնելով և լսելով հոր և պապի՝ մեծ հարգանքի արժանացած նվիրական գործը, հպարտանում էր նրանցով, բայց երբ գալիս է մասնագիտություն ընտրելու ժամանակը, Մուրադյան կրտսերը մտածում էր բժիշկ դառնալու

մասին, հետո փոխում է մտադրությունը և ընդունվում մեկ այլ բուհ:

Բայց, արի ու տես, որ Մուրադյանի ջանքերն ապարդյուն էին. կյանքը կրկին նրան բերում է ոստիկանություն:

1999թ. կրտսեր Մարտիրոս Մուրադյանն ընդունվում է ՆԳՆ կադրերում որպես տեսուչ:

Մարտիրոս Մուրադյանն իր պապից ու հորից ժառանգել է կարևորագույն հատկանիշներ՝ աշխատասիրություն և սկզբունքայնություն: Դեկավարությունը, բարձր զննահատելով նրա արժանիքները, 2013թ. նրան նշանակում է երևան քաղաքի վարչությունում կադրերի բաժնի պետ:


2017թ.վականից աշխատում է ՀՀ ոստիկանության կրթահամալիրում որպես կադրերի բաժնի պետ:

Յավոք, Մուրադյանների ոստիկանական դինաստիան այստեղ ընդհատվում է. կրտսեր Մարտիրոս Մուրադյանի երկու երեխաներն իրենց մասնագիտական հետաքրքրությունն ուրիշ բնագավառում են



գտել: Բայց, ինչպես ասում են, դեռ ամեն ինչ առջևում է: Մ. Մուրադյանը փակում է թղթե կապոցով հիշողությունների գիրքն ու մի լավ քարկապում: Հուսով ենք՝ այն կրկին բացվելու է, և ընդհատված դինաստիան կրկին շարունակվելու է... **Սարիտա Խերամյան ոստիկանության ավագ լեյտենանտ**

### ԽՈՐՀՈՒՄ ԵՆ ԻՍԱՍՏՈՒՆՆԵՐԸ



աստղալից երկինքը գլխի վերևում և բարոյական օրենքը սրտի մեջ: **Գարեգին Նժդեհ**

Մի ժողովուրդ, որի որդիները հավասար չեն օրենքի և մահվան առջև, հաղթական հայրենիք չի ունենա: **Գարեգին Նժդեհ**

Յուրաքանչյուր ազգի պարտականությունը մարդկության հանդեպ նախառաջ դրսևորվում է սեփական ազգի կենսունակության պահպանման և սեփական մշակույթի զարգացման ձևով: **Գարեգին Նժդեհ**

Հասնելով ասելը, երկի, ավելի մեծ իմացություն ու կուլտուրա է պահանջում: **Հրամտ Սաթևոյան**

համար պետք է սովորել համբերել և ներել:

**Մայր Թերեզա**

Կյանքը հեծանիվ քշելու պես մի բան է: Հավասարակշռությունը պահելու համար պետք է շարունակես առաջ շարժվել:

**Ալբերտ Էյնշտեյն**

Միայն երկու բան սահման չունի՝ տիեզերքն ու մարդկային հիմարությունը: Առաջինի անսահմանության վրա կասկածում են:

**Ալբերտ Էյնշտեյն**

Մի՛ վստահիր այն մարդկանց, ում զգացմունքները փոխվում են ժամանակի ընթացքում, վստահիր նրանց, որոնց զգացմունքներն անփոփոխ են մնում նույնիսկ, երբ փոխվում են ժամանակները:

**Բոբ Մարլի**

Միրի այն կյանքը, որով ապրում ես ու ապրիր այն կյանքը, որը սիրում ես:

**Բոբ Մարլի**

Առաքինության ամենամեծ սխրանքները կատարվել են հայրենիքի հանդեպ ունեցած սիրով:

**Ժան-ժակ Ռուսո**


Երկու բան պետք է լցնի մարդու հոգին հիացմունքով ու հարգանքով՝

Ընտանիք ստեղծելու համար բավական է սիրել, իսկ այն պահպանելու

### ՄՏԵՂԱԳՈՐԾՈՒՄ ԵՆ ՄԵՐՈՆԵ

#### ԵՆՈՒՄԻՐ

Յայրենյաց տան մեջ՝ մի եռաբլուր, Ուր հողիներ կան՝ անօթևան, լուռ, Եվ լռության մեջ՝ շիրիմների տակ, Քաջ որդիներն են հանգչում մահատակ:



Շուրջը՝ մենություն, քարերի քաղաք, Ամեն քարի տակ՝ աշխարհի բովանդակ, Անուններ տարբեր, մեծ ու փոքր կյանք, Մայրերի համար՝ սրբավայր ու վանք:

Վշտահար մարդիկ՝ քարերը գրկած, Աղոթք ու մրմունջ հողած առ Աստված... Ամեն զինվորի սուրբ արյան համար Պատասխան պիտ տանք՝ ահեղ ու արդար:

Եվ հողաթմբեր՝ դեռ առանց քարի, Սևազգեստ մայրեր, խոնարհված դեմքեր, Դառը արցունքներ, ծաղիկների փունջ, Անլռելի ցավ, մորմոք ու տրտունջ:

Հերոսի մահով ընկած զինվորներ՝ Հայացքներն հառած լեռ Մասիսն ի վեր, Անունները՝ գանձ, քարերին գրված, Պատմությունն են մեր Հայոց փառապանծ:

**Կարինե Կիրակոսյան ոստիկանության գնդապետ**